

Til Allsherjar- og menntamálanefndar alþingis.

Reykjavík, 8. maí, 2024.

Umsögn Sviðslistaráðs um frumvarp til laga um breytingu á lögum um sviðslistir, nr. 165/2019 (Þjóðarópera). Þingskjal 1383 - 936. mál.

Sviðslistaráð, sem starfar eftir lögum um sviðslistir, lýsir yfir miklum og eindregnum stuðningi við breytingar á lögum um sviðslistir í tilefni af stofnun Þjóðaróperu. Breytingar þessar eru afar mikilvægt, eðlilegt og tímabært framfaraskref til eflingar sviðslista á Íslandi.

Með þessum breytingum er regluleg óperustarfsemi sett í fastar skorður og stefnt að skynsamlegri framtíðarsýn sem felst í sameiginlegri stofnun þar sem símfónúhljómsveit, listdans, leiklist og ópera heyra undir.

Hvarvetna um heim allan eru óperur og flutningur þeirra og þeir listamenn sem koma við sögu stolt þjóða og ómetanleg verðmæti í sameign þjóðar.

Þjóðarópera mun verða máttarstólpi í íslensku menningarlífi og styrkja sjálfsmynd þjóðarinnar svo um munar líkt og Þjóðleikhúsið hefur gert frá stofnun til þessa dags. Allar sviðslistir (og allar listir) efla lífsgæði og hagsæld með margslungnum töfrandi mætti sínum.

Hafliði Arngrímsson, formaður

Pétur Ármannsson

Þóra Einarsdóttir